

梁溪先生文集

十七

梁谿先生文集
百文

梁谿先生文集卷第

表劄奏議

奏陳利害劄子

乞宮觀奏狀

奏陳車駕不宜輕動劄子

乞令湖北京西宣撫司差兵控扼江州奏狀

進御書草聖千文贊劄子

奏陳利害劄子

臣近者不量淺短輒冒萬死條陳淮西叛將利害仰

瀆天聰夙夜靡寧以俟嚴譴出蒙聖慈既赦狂

瞽又降璽書特有褒諭感戴大恩非臣糜捐所能報

稱然臣竊見都進奏院報張浚罷相以言章落職宮

觀淮西之變浚實有罪責罰之加其誰曰不宜但言

者引漢武誅王恢事以為比臣愚竊以為不然試為

陛下陳之昔王恢設馬邑之謀欲誘匈奴擊之事既

不諧武帝以造兵謀本出恢動大衆而無成功不誅

無以謝天下遂下恢廷尉此武帝之過舉非盛德事

也何則勝負兵家常勢顧規略何如耳易象有左次



死咎之言兵法有善敗不亡之戒渠以一失遂害大計哉觀秦穆之用孟明拜賜於三北之餘光武之用馮異收功於桑榆之際則知武帝之誅恢未為無失也今浚之罪乃在於志廣才踈力小任重不能諮諏良策而專於自用不能輯睦將帥而輕務改移遂致士卒攜離捨我就敵以此罪浚夫復何辭若以王恢為比咎其始造兵謀則是因咽廢食懲羹吹壑以細故而搖大計恐非策之得也方今強虜憑陵僭逆窺伺國勢未定人心驚疑若不注意治兵以為自強之計

則何以安 宗社保生靈固邊疆禦外侮徒以措置一失之故遂欲盡棄前日之所為歸罪始造兵謀者臣恐智謀之士卷舌而不敢談兵忠義之臣扼腕而無所發憤將士解體而不用命州郡望風而無堅城陛下將誰與立國哉且今日 朝廷之勢固自若也襟帶江淮保據荆襄連接川峽韓世忠張俊岳飛吳玠之軍分屯要害不下數十萬人兵未為弱去冬敗劉麟劉猷之徒其衆用兵未為不利儻因淮西之變益自懲創審號令明紀律徙諸軍家屬於江南以便

糧餉教戰艦水軍於沿江以備不虞姑輟進取之謀
且爲固守之計和協輯睦靜以待之使國勢漸定人
心漸安士氣漸振乃可徐議恢復譬猶病人調治向
安又爲藥餌所誤傷其正氣豈可遽欲康強哉不察
此理經變故而亟動搖使外寇得以乘其間隙譬猶
奕棊前者旣差後著復錯是謂自敗欲求勝敵不可
得也臣頃年嘗因賊馬入寇淮甸獻陳愚計以謂退
避之說不可行於今何哉前之爲寇者金人也利於
虜掠得所欲則還師今之爲寇者僞齊也利於土地

得一郡則守一郡得一邑則守一邑翠華退避之後
將士奔潰賊勢鷓張將安所定止哉誤蒙採擇特降
褒 詔今日之說亦猶是也伏望 陛下堅聖心而
勿動修軍政以自強無爲趨時獻言者之所搖古語
曰臨大難而不懼聖人之勇也惟 陛下留神幸察
夫張浚措置失當誠有罪矣然其區區徇國之心有
可矜者願少寬假以責來效昔漢高祖用兵喪師跳
身者屢矣然卒與成功者皆舊臣也借使每敗必逐
則張良陳平之流不勝其誅矣臣前所論淮西事宜

指陳浚措置失當非黨浚者今此論奏亦非爲浚游說也因言者引王恢造兵謀之喻深恐退避講和之議復出以眩感聖聽則大事去矣宗社安危自此而分故敢披露肝膽冒昧有言死有餘罪臣以衰病累請宮祠未奉俞允邇來犬馬之疾益深將填溝壑已別具奏乞骸骨以歸山林貪戀明時何可言喻愛君憂國之志雖在畎畝豈敢弭忘伏望陛下哀而憐之干冒天威無任惶懼戰越之至

小貼子

臣契勘 朝廷所恃以禦敵者將士也新失淮西之軍將士之心未定正當靜以養之頻降 詔旨慰勞撫諭使明知 陛下德意所在庶幾士心復安若先爲退保之計以示怯敵臣恐諸軍將士解體人人無固守之志爲盜之招昔 真宗皇帝澶淵之行未定又欲南幸召高瓊謀之瓊對曰南幸無不可者但慮將士離散不復可收遂定親征之謀臣以謂正與今日之事相類竊見近降指揮應副盧壽盱眙等處米斛並改撥赴建康府下卸又

差梁汝嘉知平江府外議皆謂車駕將幸平江平
江與建康相去不遠徒有退避怯敵之名臣私憂
過計冒昧上聞不勝皇懼伏乞 聖察

臣近據岳飛公文今月 九日部率軍馬前去襄
漢臣契勘淮西兵將新叛之後藩籬踈缺並無控
扼 朝廷近降指揮令飛分兵屯駐江池等州事
理正宜如此今乃前去襄漢上流空虛緩急何以
應援伏望 聖慈詳酌特降 睿旨令飛屯兵照
應江池及淮西一帶候過防冬措置襄漢未晚伏

乞 睿察

乞宮觀奏狀

右臣近以衰病累具奏聞乞罷帥權除一宮觀差遣
伏蒙 聖慈降 詔不允仰荷大恩第深感涕竊念
臣孤陋無取誤被眷知起於閑廢之中付以方面之
寄竭來江右物華再秋雖殫夙夜之勤曾蔑涓埃之
補而臣年衰景暮福過災生百病之所交攻萬慮之
所纏集將遂填於溝壑願休息於山林方本路盜賊
稍衰之時兼沿江邊報未急之際不乞身而閑退必

誤國以顛隣伏望 聖慈特降 睿旨檢會臣累奏
除一外任宮觀從便居住或許守本官致仕庶幾專
近醫藥尚保餘齡干冒 天威無任惶懼戰越之至

小貼子

契勘臣自春夏以來久患瘡瘍纔稍痊安又得足
弱筋攣之疾拜跪艱難步履蹇緩至今未愈近來
復苦心氣煩憤健忘漸成淋疾醫者謂憂慮傷損
所致若不控告 君父罷免帥權少就閑散決難
自全伏望 聖慈哀憐特從所請使得歸休保養
衰疾異時蒙被驅策不敢辭難伏乞 睿察

奏陳車駕不宜輕動劄子

臣近因上疏論淮西事宜嘗獻狂瞽竊謂車駕不宜
輕動正當靜以鎮之諸將重兵不宜抽回正當分屯
要害益為自固之計妄意及此其說略而未詳今聞
朝廷以梁汝嘉知平江荆蓋營屋萬餘間及召張俊
楊沂中全軍還駐建康如此則是移蹕之謀抽回軍
馬之計皆審如所聞 宗社安危生靈休戚繫此一
舉敢冒萬死為 陛下詳陳之臣聞自昔用兵以成

大業者必先固人心作士氣據地利而不肯先退盡
人事而不肯先屈是以楚漢相距於滎陽成臯間高
項雖屢敗不退尺寸之地既割鴻溝羽引而東遂有
垓下之亡曹操袁紹戰於官渡操雖兵弱糧乏荀彧
止其退師既焚紹輜重紹引而歸遂喪河北由是觀
之今日之事豈可因一叛將之故望風怯敵遽自退
屈果出此謀六飛回馭之後人情動搖莫有固志士
氣銷縮莫有關心虜僞乘之誰為 陛下堅守苦戰
以禦大敵者且建康去平江無數百里之遠非有高
山大川以為限隔健馬疾馳數日可至徒有怯敵之
名無益退避之實建康有長江天塹之險不能固守
何有於吳會哉聲勢所逼退而之臨安又退而之會
稽又退而之閩粵極矣我退彼進使賊馬南渡得一
邑則守一邑得一州則守一州得一路則守一路亂
臣賊子黠吏姦氓從而附之虎踞鴟張雖欲如前日
返駕還轅復立 朝廷於荆棘瓦礫之中不可得也
偷取目前之安不顧異時噬臍之悔非策之得者供
使虜騎衝突不得已而權宜避之猶為有說今幸疆

場未有警急之報兵將初無不利之失 朝廷正可
懲往事修軍政審號令明賞刑益務固守而遽為此
擾擾棄前功蹈後害以自趨於禍敗豈不重可惜哉
臣故曰車駕不宜輕動正當靜以鎮之者此也臣又
聞自昔有江表者必以淮南為藩籬屯重兵於江北
然後江南可安六朝相繼數百年雖符堅石勒宇文
拓跋之盛不能陵踐凡以強藩巨鎮盡列淮上之故
後唐李氏有淮南則足以保國既失江北國勢遂卑
由是觀之今日之事豈可因一叛將之故悉罷屯戍

三十五

本

遂欲棄置於度外張俊既去盱眙揚沂中又去廬壽
李宏獨以千兵守之使賊挾叛將以來則廬壽必不
能守前日酈瓊之叛屋宇全廩置而不焚豈無深慮
使賊得據合肥則舒蘄光黃一帶無兵可禦決須退
保是賊無亡矢遺鏃之費以談笑而下淮西也一失
淮西與之共長江之利江南可得無患乎州縣無備
人情震駭一患也鹽貨不通糧餉皆阻二患也濟渡
多端難於控扼三患也時出兵以擾我疲於奔命四
患也得吾州縣蝟結蟻聚水草有依遂為吾之痼疾

五患也昔人有言長江千里當作者不過數處如人
一身腠理為急淮西者今之腠理也賊馬入寇必趨
廬壽前日以劉光世全軍數萬人守之猶懼不濟今
乃無兵是委重地與敵以為背脇疽根豈不重可惜
哉臣故曰諸將重兵不宜抽回正當分屯要害益務
自固者此也前日劉光世一軍以措置失當之故將
士攜離捨我歸敵非細故矣萬一因此翠華移蹕將
士召還以致不可勝言之患是措置之失又非前日
之比也昔人有言動不詳思輒喜言誤誤不可數也

臣觀 朝廷自建炎以來每失機會其誤多矣譬猶
奕者前著雖差後著猶可救也若著著皆誤何以取
勝傍觀者得不為之寒心臣愚竊思所以為今日計
願 陛下深體漢祖之用心堅忍而勿輕變非有大
警急姑少安之丁寧訓戒三四大臣益圖所以自固
之策遣張俊全軍進屯廬壽而存其家屬於建康以
便糧餉命韓世忠兼保盱眙而留揚沂中以衛 行
在詔岳飛分兵江池以保上流於江有備則國勢亦
粗定矣前日初造車船戰艦所費不貲切 聞 軍

教閱將安用 謂宜收拾於建康上流

江池等州蕪湖繁昌湖口等縣擺泊仍於江湖間募習水善游者萬餘人刺手背為水軍差官統領分隸教習使金鼓旌旗上連下接以備緩急之用則賊騎雖熾亦豈敢遽窺江右哉使今冬防守無虞則人心自安國勢益固可以徐圖善後之策捨此不為而但務退保且未見其可也抑且聞之書曰民非后罔戴后非眾罔與守邦又聞之孟子曰保民而王莫之能禦 天子作民父母必有保民之心然後眾心欲

如子之保父母也上下之所以能相固也蜀先主在荊州從之者數萬人曹操逐之或勸捨眾而速行先主曰眾人從我豈忍棄之說者謂其有帝王之度區區偏霸之主猶如此而況於天下之君乎且願陛下以保民之憂為先則雖弱必強中興之業不難致矣且以愚拙每進狂直之言必蒙褒納有君如此其忍負之故敢於艱虞之時復進苦口逆耳之說言或可採願 陛下與三四大臣孰議利害斷而行之庶幾有補萬一徒能容納而不用無益也

濟大業非無張良陳平之臣出奇畫策重

勸為義帝伐項羽者三老董公也勸出武關置耳宛葉者轅生也勸都關中者婁敬也勸以親子弟王齊者田肯也必有衆謀乃能有濟今臣以孤陋遠在千里之外每有所聞輒獻臆說仰禪廟謀尚庶幾於數子伏望 聖慈赦其罪而取其忠天下不勝幸甚

乞令湖北京西宣撫司差兵控扼江州奏

狀

九月二十四日准樞密院九月十四日劄子節文不

司中契勘鄺瓊斬賽等率淮西兵將全軍反叛驅擁官吏軍民歸附偽齊竊慮不測前來沿江諸處作過其江州委是要害去處並無軍馬控扼欲望 朝廷檢會本司近奏事理速降 指揮行下湖北京西宣撫使司差撥軍馬前來興國軍江州駐劄以備不虞右檢會 月二十一日奉 聖旨令岳飛差撥水軍五千人乘駕戰船委近上統制官統率順流於蘄陽鎮擺泊仍令差先鋒人船前來江州屯駐照應控扼近據岳飛奏緣淮甸即自別無探報

當量其賊勢輕重即時調發軍馬前往

照應劄本司照會契勘本路係抵接淮西界分去後境不遠近廬州鄟瓊等反叛之後日有探報以北事宜緣今歲防秋事體即與以前年分不同其本路沿江一帶及蘄黃等州緊要控扼去處並未有軍馬防捍兼本司見管官兵人數不多又緣諸州縣管下有未獲盜賊殘黨各已分差前去捉殺所有江州等處合屯軍馬若候有警方遣前來竊恐後時却致遲誤欲一均廷時賜許酌行下湖北京西宣撫使司先次遣發軍馬前來江州一帶預行措置控扼防拓免致臨時誤事

進御書草聖千文贊劄子

臣伏覩

皇帝陛下以御書草聖千文贊寵賜寶文閣直學士右太中大夫江南西路都轉運使臣子直宸章奎畫燦然如繁星之麗天臣輒摹勒置于豫章州學宣聖殿陰使諸生得以瞻仰且拜一首下贊系于刻石之末詞旨淺陋不足以喻揚盛美臣

寫在前并以石本裝治進呈于冒
天威臣不任惶懼

梁谿先生文集第

卷之

三



